

閩

詩

錄

閩詩錄丙集卷十四

侯官鄭杰原輯

侯官陳衍補訂

翁

定補

定字應叟建安人有瓜圃集

劉後村跋云應叟尤工律詩送人去國之章有山人處士疎直之氣傷時聞警之作有忠臣孝子微婉之義感知懷友之什有俠客節士死生不相背負之意

送胡季昭竄象郡

應詔書聞便遠行廬陵不獨詫邦衡寸心祇恐孤天地百口何期累弟兄世態浮雲多變換公朝初日盡

清明危言在國爲元氣君子從來豈願名

鶴林玉露云季昭廬陵人寶慶初元爲大理評事應詔上書言濟邸事竄象郡翁定諸人送行云云兄子建弟國賓皆懷奇負氣友愛最隆得罪之日囊無一錢子建挈家歸賣文以活國賓奮然徒步從其兄子建所季昭歿詔許歸葬贈朝奉郎官其一子洪舜俞草贈官制詞云朕訪落伊始首下詔求讜直蓋與諫鼓謗木同意以直言求人而以直言罪之豈朕心哉爾風裁峭潔志慨激壯繇廷尉平上書公車言人之所難言方嘉貫日之忠已墮偃月之計開塗胥口訪事龍頭曾無幾微見于顏面何氣節之烈也仁祖能全介于遠謫之餘孝祖能拔銓于投荒之後撫今懷往魂不可招潦霧墮鳶悲悔何及陟階員外仍官厥子用旌折檻之直且識投杼之過爾雖死可朽矣

翁

甫補

甫字景山崇安人寶慶二年進士累官江西
轉運使改知泉州有浩堂類稿

九日

秋風兩度身爲客已見重陽未到家村酒不堪供節

事祇將青眼看黃花

全芳
備祖

林

洪補

洪字龍發號可山泉州人有西湖衣鉢

梅磭詩話云泉南林洪肄業杭泮粗有詩名
理宗朝上書言事自稱和靖七世孫冒杭貫
取鄉薦刊中興以來詩號大雅復古集亦以
已作附於後時有無名子作詩嘲之曰和靖
當年不娶妻只留一鶴一童兒可山認作孤
山種正是瓜皮搭李皮蓋俗語以強認親族

者爲瓜皮搭李樹云

西湖

煙生楊柳一痕月雨弄荷花數點秋此景此時摹不

盡畫船歸去有漁舟

後村千家詩

釣臺

三聘殷勤起富春如何一夜便辭君早知閑腳無伸

處只合青山卧白雲

釣臺集

鄭

宋

補

宋福安人理宗時歷端明殿學士同僉書樞

密院宋史有傳

獻闕廷

韓陽風景世間無堪與王維作畫圖四顧羅山朝虎
井一條帶水繞龜湖形如丹鳳飛唧印勢似蒼龍卧
吐珠此處不堪爲縣治更於何處拜皇都

全閩詩話云福安福源山下有穆洋宋鄭案
所居案嘗侍理宗因言其居在北山築有澄
菴理宗御書北山澄菴賜之時有分縣之請
擇韓陽坂爲治所論未定案因獻詩云云理
宗許之因題扇賜答曰秋思太華峰頭雪晴
憶巫山一片雲去國歸來猶未得詩篇遙贈
北山君

徐集孫

補

集孫字義夫建安人理宗時嘗仕於浙

宋百家詩存小傳云好爲詩所至輒有題詠
於西湖諸勝處尤多每一詩脫稿人卽爭購
相爲傳誦故其詩云俸薄幸無賒酒債官閑
卽有索詩逋蓋實錄也竹所吟稿二卷林可
山爲序

智果寺觀東坡墨蹟參寥泉

煮茗評詩歲月深堂堂遺像篆煙沈數閒老屋關興
廢一段清名無古今碑斷亂雲封字腳井昏落葉覆
泉心斜陽影裏夷猶處仰止高風不敢吟

挽孫花翁

清氣散乾坤人亡名尙存玉寒埋葛嶺墨澹慘秦村
井菊風號冢山花月返魂子孫無處覓吟客醉芳尊

借林可山韻餞蘿屋僧

吟卷多題品君齊賈島才聞風知竹瘦載雨過湖來
交澹杯中水儒酸葉底梅便辭京國去覓取近詩裁
謝林可山序詩

不枉西湖住兩年窮吟活計又成編生平不得春風
力只與梅花結得緣

午夢

篇詩纔欠急忙償似有奚奴督和章望斷曉山雲破
碎驚回午夢雨淋浪春光一半歸楊柳花事三分屬
海棠靜坐小窗人語寂閑聽梁燕話行藏

姚望之補

望之字肖呂甯德人寶慶二年進士趙葵恢
復三京辟爲幕屬

汴京

笛裏關山今幾年故都宮闕尙巍然八陵蒼莽知何
地九廟英靈如在天重整六軍嚴宿衛旋興百堵慰
民編徼臣董役慚無補擬繪新圖獻榻前

甯德志

鄭宅心補

宅心永福人寶慶二年進士累官常州軍事

推官

題朱文公唐石墳庵

雲谷高風挽不留，尙餘書澤賁松楸。
山瞻泰華巖巖聳，水接濂伊混混流。
千古爲渠開日月，百年知我有春秋。
自憐晚學無仙骨，空把遺編記話頭。

截江網

陳 鑄補

鑄字鼎臣，閩縣人。寄居嘉興。襄七世孫寶慶中進士，累官朝請郎、主管玉局觀、福州通判。

昇山祠堂

任公何代此昇仙，萬仞仙臺倚翠巔。
石徑層層封綠蘚，松蘿步步拂青煙。
海中島嶼分諸國，野外雲霞萃

一川賢守乘秋縱登賞不妨吟到夕陽天

三山志

顏頤仲

補

頤仲字景正龍溪人煥章閣學士師魯孫以
祖蔭補官累擢吏部尙書寶章閣學士提舉
玉隆宮

柳

柳漸成陰萬縷斜舞腰柔弱弄韶華一庭春色無人

管簷雨聲中飛盡花

廣羣芳譜

鄭有年

補

有年寶慶時福建人

青霞谷

少室隱居空索價北山俗駕費移文道人笑破世間

事去住身心如白雲

羅浮志

王

鐸補

鐸惠安人紹定元年進士淳祐四年提舉廣

東常平

蝴蝶洞

莊周已與蝶俱飛說著遺衣事可疑只怪山中蝴蝶

洞仙家四季總春時

羅浮山志

江

鈺補

鉢字貴叔崇安人紹定戊子鄉薦受業于魏
了翁講明正學修身不仕

隋隄柳

錦纜龍舟萬里來醉鄉繁盛忽塵埃空遺兩岸千株
柳雨葉風花作恨媒

全閩詩話云江鉢聰敏絕人十歲應童子科
賦並蒂梅詩聞者嘆賞紹定中與兄鎔再舉
於鄉後受業魏了翁遂高卧廬山講明正學
嘗賦隋隄柳云云

蔡抗補

抗字仲節號九軒處士沈之子也紹定二年
進士累官端明殿學士同知樞密院事參知

政事以忤時相落職奉祠卒謚文簡改文肅

大隱屏

脫畧塵世慮仙巖共夷猶乘源得風便快楫行扁舟
神仙現奇怪古木橫巖陬振衣萬仞高天風動衣擺
巍巍隱屏峯擎天峙中流良朋論心事感慨悲新秋
浩歎復浩歌一飲還一酬南陽豈終卧東山諒同憂
斟酌素有定今焉試爲籌西方起暝色歸袂不可留
去去惜離別後會良悠悠

武夷山志

陳松龍

補

松龍字應初號三嶼閩縣人紹定二年進士

仕爲京口倅大理司直

茶蘼

布葉叢條翠作圍自生芒刺護裳衣莫嫌野興難拘

束祇伴春風亦見幾

全芳備祖

繆

蟾補

蟾字升之壽甯人紹定二年進士

應舉早行

半戀家山半戀牀起來顛倒著衣裳鐘聲遠和雞聲
雜燈影斜侵劍影光路崎嶇兮憑竹杖月朦朧處認
梅香功名苦我雙關足踏破前橋幾板霜

福甯府志

游清夫 補

清夫建安人紹定二年進士官知錄

閱武喜晴和厲寺正韻

閱武堂前宿雨晴柳營刁斗五更鳴風生貔虎誇身
健日射旌旗照眼明管領春光三月暮雕鏑詩句十
分清折衝樽俎今餘事自有胸中十萬兵

截江網

葉明 補

明晉江人紹定二年進士官監鎮

和陳子華武夷築精舍

袞袞諸公臺省居可憐無地著吾廬前因本是四禪

派今日相追九老圖
憂顧全閩曾倚重
誅鋤遺孽豈容逋
兔葵燕麥立都滿
休憶桃霞映綠湖

題馮唐廟

千百年來漢老郎
曉來燈火晚來香
庭前不用尋碑

記已載班書數十行

截江網

鄭思忱

補

思忱字景千泉州人
紹定二年以宣教郎知

崇安縣以譖左遷浦城丞
眞文忠薦尋復官

仕至檢院

句

讀罷西銘日未斜

崇安縣志

陳夢庚

補

夢庚字景長閩人紹定中廣西路漕幕

大隱屏

大隱屏前風月閑何人手種萬琅玕深深五曲東流

水合作千年洙泗看

武夷詩集

朱繼芳

繼芳字季實號靜佳建安人紹定五年登進士第授龍尋令調桃源令又調宜州教授不赴有靜佳龍尋稿靜佳乙稿

宋百家詩存小傳云龍尋舊有顏長官仁郁
祠長官五代時能撫循其民使不見兵革嘗
作詩以道民疾苦其題有十每題繫以十詩
共百篇繼芳晉謁祠下依韻和之同時倡和
爲錢唐陳起汝陽周伯弼建安張至龍俱有
聲江湖間者

登眺

破帽任風吹天知髮已絲大江留禹蹟老樹見秦時
北際山如礪南溟水似池夜涼無夢到久矣歎吾衰

對酒

莫信樵人說秦人有樹存青山浮渤海白日走崑崙
爲有愁千斛時須酒一尊提壺亦相勸花下綠陰繁
有懷驚山次僧芳庭韻

一塔與雲齊尋僧路不迷小舟沙島外疎磬夕陽西
古樹含雲亞春橋覆水低鷺峰飛不去夜夜子規啼

書窗夏日

南風伊軋語窗扉團扇無功白日遲長恨老來方學
易自從春去不吟詩蟲絲有力縈琴索蛙粉無聲點
墨池偶出門前行數步石榴花過已多時

陳令君增誠齋三三徑爲十二徑次韻

四冢三徑各風流今古悠悠貉一邱拍甕新篳浮臘
膩繞隄老柳弄春柔日邊黃紙催人去霞外青山聽
鶴留若問西疇簞笠事合還陶令一孤舟

溪村二首

櫂柳正當官道漁舟偏繫柴門今年春水深淺看取
層層岸痕

雨洗山光綠淨波涵天影清空草際自浮鵝鴨柳陰
分坐兒童

橋西

雲澹風微日未低瘦藤扶到小橋西林花過雨相爭
發谷鳥無人自在啼

調宜州冷官不赴

瘴海南邊路淺深客愁不待猿猴吟無人喚得涪翁

起分我梳櫛櫬攬陰

靈芝寺

黃金市地小橋通四面清平納遠空雲氣長扶天子
座日光浮動梵王宮殘碑幾字莓苔雨疎磬一聲楊
柳風沙鳥不知行樂事背人飛過夕陽東

武林舊事云寺在湧金門外錢王故苑芝生其間拾以爲寺高宗孝宗凡四臨幸朱靜佳有詩

六言

柳下白頭釣叟不知生長何年前度君王遊幸賣魚
收得金錢

武林舊事云淳熙間壽皇以天下養每奉德
壽三殿游幸湖山凡游觀買賣皆無所禁小
舟時有宣喚賜予如宋五嫂魚羹嘗經御賞
人所共趨遂成富媼朱靜佳六言詩云云往
往修舊京金明池故事以安太上之心豈特
事遊觀之美哉

城市

身遊城市髮將華眼見人情似槿花惟有梁閒雙燕
子不嫌貧巷主人家

貧女

燈下穿針影伴身嬾將心事訴諸親阿婆許嫁無消
息芍藥花開又一春

纖手清閑理瑟工高樓半在碧雲中行人豈是知音

者不立花陰待曲終

辛亥二月望祭齋宮因遊甘園

朝霏作雨連天溼春氣熏人到骨香四望水亭無正

面有花多處背湖光

以上靜佳乙稿

張至龍補

至龍字季靈建安人

宋百家詩存小傳云博經史工文章一時江湖詩人多與倡和與靜佳朱繼芳居同建安生亦同歲投契尤篤至龍寄懷詩有借箸數同庚是也雪林刪餘一卷寶祐三年自爲序雪林其自號云

齊雲寺

雨疎分點下畧約界橫塘接竹通生水舉蘿補壞牆
字塗窗眼黑香染佛衣黃未晚螢先出蕭然兩畫廊
鳴鳩語燕近清明柳絮風輕秧水平一帶春流多斷
岸盡緣倒柳當橋行

采蓮曲

荷葉籠頭學道情花妝那似妾妝清雙雙頭白猶交
頸翻笑鴛鴦不老成
拗落圓房響釧金背人細數子藏深不嫌到手多尖
刺祇怕傷人有苦心

林希逸補

希逸字肅翁號虜齋又號竹溪福清人紹定
閒進士第四人淳祐中遷祕書正字景定閒
官司農少卿厯中書舍人直寶謨閣著有易
講春秋傳老莊列口義考工記解諸書及竹
溪十一稿

劉後村跋云乾淳間林艾軒始好深湛之思
加鍛鍊之功有經歲累月繕一章未就者一
傳爲網山林氏名亦之字學可再傳爲樂軒
陳氏名藻字元潔三傳爲竹溪詩比其師稿
乾中含華滋蕭散中藏嚴密窘狹中見紆徐

題馬和之覓句圖

先生隱几奴煨火斜插疎枝破瓦尊鶴夢未回更幾
轉吟成應是月黃昏

明皇聽笛圖

壽王妃弄寧王笛對面三郎背老伶卻恨馬鬼西去
路無人吹出雨淋鈴

題江貫道山水四言

此畫正絹作石林簡齋有詩跋

遠山叢叢遠樹濛濛咫尺萬里江行其中短長何岸
高低何峯彼坻彼峙彼瀑彼洪晴嵐乍豁煙靄蔥蘢
或斷或屬且淡且濃爾率奚寺爾盤奚宮或坦陰翳
或梁嵌空有吠者厖有樵者翁危檣落碇短棹掀篷

往來異趣寂動殊容羃翠其庭豈非盧鴻畧約而渡
豈非龜蒙昔我經行雲山萬重若淮南北與江西東
亦蓑而雨亦帽而風乃今追維夢境相從及此開卷
恍然昔同誰居作者造化論功淹總其裔熙成是宗
聲聞九陛旣召而終謂彼樹白貫道畫林木如
算子其身皆白識其
身窮其然豈然訊之天公被名穹壤疇日不逢

楊通老移居圖

憶昔移居詩在集篇篇好就中語奇絕最是涉與島
誰歟作此圖題以楊通老行行四五人長短各有荷
瓢者帽且髯席者頭不裹或牧而尙髻或負而似跛

孟光衣頗寬靈照袖亦拖一兒解持箠一兒纔翦髻
處士獨跨驢牛乃背其媼彼羊驅於前彼貓肩於左
琴二荻籃雙生計亦甚夥應嫌俗子知必住深山可
低眉得何句手卷豈其稿若逢李十二定復歌飯顆
蕙苾或招讒胡椒能惹禍君子哉若人萬物備於我
和春谷用弓字見寄

奴去看魚笥兒尋射鴨弓養疴三徑裏取友一溪中
日苦經簷短天如罩野穹過從人絕少訪問愧村翁

代懷安王林丞上楊安撫

誠齋子

止戈堂外戟森森畫鼓無聲晝漏沈好是風流賢太

守空齋一片讀書心

以上竹溪集

韓伯修補

伯修字子長霞浦人紹定五年進士

洪山

壁立東南第一峯問知名道葛仙翁
丹砂竈逼雲頭近玉井泉流海眼通
六字籀文天篆刻數間洞室石
嶢嶢我來整屐層巔上無數羣山立下風

梅花陂

休間桃源路尋梅慙往還梅花有知己何必定湖山

福甯府志

黃履翁補

履翁字吉甫甯德人紹定五年進士

支提禪寺

福地由來此最幽翠微深鎖碧山頭參差梵閣雲常
護隱現神燈夜不收面壁幾人曾入定摩崖有客記
同遊從今悟道支提處知是名高十二樓寧德志

林經德補

經德字伯大侯官人紹定五年進士知邵武
軍

挽胡季昭

扶植綱常抗直聲白頭不憚嶺南行書云惟孝友兄弟臣罪當誅王聖明削籍投荒從寶慶陟階錄後賴端平朝家賜諡今方舉凜凜孤忠死亦生

見象臺首末

楊

諄補

諄字淳夫霞浦人紹定五年進士官崇安令

馬冠山

陳家宅廢桑畦暗馬道冠亡羽觀空惟有山南古程

氏雕簷一口翠煙中

福甯府志

劉煒叔

補

煒叔莆田人端平元年知吉州嘉熙間福建

市舶提舉

上陳招使

天戈一指迅雷轟涌雪公應記洗兵伊洛風煙想如
舊江淮草木轉知名爭先識面今裴度孰與論心昔
孔明文水萬家惟擊壤得無軍餉盡歸耕截江網

鄭寅

寅字子敬號肯亭僑子莆田人

一作仙遊人

端平

中官左司郎中兼樞密院都承旨出知漳州
蘭陵詩話云肯亭博聞多識與名賢真德秀
李燾陳宓友善燾嘗薦海內名士十二人肯
亭預焉其所著通志考誤通志大旨極稱淹
貫惜流傳已少不可得見

夾漈草堂

地隔一區石山高雨深深弓旌已陳迹泉石尙餘音
若不登茲境何由見古心遺編湮沒久思與共追尋
案仙遊縣志少末二句題作南峯草堂

陳均補

均字平甫號雲巖莆田人俊卿從孫肄業太
學嘗輯宋編年舉要備要二書端平初有言
于朝者敕賜迪功郎不受卒

九江聞雁

煙波渺渺夢悠悠家在江南海盡頭音信稀疎兄弟

隔一聲新雁九江秋

詩家鼎鑪

鶴林寺

知有楓林坐竹閒每尋紆路試登山
虛簷忽見籠中鶴似我愛閑身未閑

竹遶高僧逢話處花留仙者舊開枝
道身虛淡元無著

付與東風爛漫吹

鶴林寺志

游九功

補

九功字勉之建陽人用蔭補官端平初仕至
司農少卿寶謨閣直學士與兄九言自爲師
友講明理學號受齋先生諡文清

絕句

煙翠松林碧玉灣，捲簾波影動清寒。
住山未必知山好，卻是行人得細看。

全芳備祖

答黃叔陽

冥鴻倦雲飛斂翼，退遵渚秋蟲感時至。
自野來在宇老我久，合歸溪山況延佇。
俯此沙水清面彼煙塵聚，壘斷旣衝衝。
瀾倒亦詡詡，豈無砥中立而不改風雨。
忽忻遠寄聲秀句盈章，吐璀璨爛寒芒。
晴空見冰柱，頗聞詞場筆漫焉。
棄如土黃梁枕上過得之，亦不處。
獨行固不移，尤在審去取。

詩家鼎鑪

吳叔告

叔告字君謀莆田人端平二年賜進士第一
累官大理寺卿丐外以直寶章閣提舉浙西
常平事諡文忠有秋畦集

蘭陵詩話云文忠性狷介落落寡合爲真西山王曜軒二公所器重歸田後築書樓于文光嶺著述頗多遺集元時已散失其裔孫亦軒綴拾重鐫今亦不傳

哭真西山先生

恍惚精神對大廷
妬賢宰相別孫弘
便令身入翹材館
不忍重過下馬陵

李丑父

丑父字良翁莆田人端平二年登進士第官
著作郎權禮部郎官請外提舉湖南常平義

倉罷予祠有亭山集

蘭陔詩話云亭山少善屬文爲方鐵庵劉後
村所器國子博士鄭偁以私試策問師道祭
酒不悅臺評及之亭山送之以詩云諸生幸
不笑韓愈官長何因罵鄭虔一時傳誦王伯
厚極賞之

城山國清塘

平田一水自潞洄匯入方塘亦壯哉夏潦久收猶浩
渺壺山近看更崔嵬刺船葑蓼中邊去喚月煙嵐外
面來見說艾軒詩句好不逢墨蹟重徘徊

潘

牂

補

牂字庭堅閩人端平二年進士第三歷太學

正通判潭州有紫巖集

齋東野語云庭堅富沙人初名公筠後以詔
歲乞靈南臺神夢有人持方牛首與之遂易
名牂理宗殿試第三人跌宕不羈爲福建帥
司機宜文字日醉騎黃犢歌離騷于市嘗約
同舍置酒瀑泉酒行令曰有能以瀑泉灌頂
而吟不絕口者衆拜之庭堅被酒豪甚脫巾
髻髻裸立流泉之衝高唱濯纓之章衆謬爲
驚歎羅拜以爲不可及歸卽卧病而殂庭堅
年六十七歲時嘗和人詩云竹纔生便直梅到
死猶香識者知其不永劉潛夫誌其墓云庭
堅爲文脫去筆墨蹊徑秀拔精妙結字有顏
筋柳骨小楷尤工廷試第三策傳京師紙貴
初遠相擅國諱聞綱常端平親政奮發獨斷
雪故王收人望乙未策士庭堅對曰陛下可

足之愛生榮死哀反不得視士庶人宜厚東
海之思裂淮南之士以致人和時對者數百
人庭堅語最直

澧陵

一郭依稀隔渡頭解鞍來倚店家樓已攀桂樹吟招
隱因看梅花賦遠游市上俚音多楚語橋邊碧色是
湘流江南鄉國三千里目送羈鴻起暮愁

後村干
家詩

落梅

一夜風吹恐不禁曉來零落已駸駸忍看病鶴和苔
啄空遣飢蜂繞竹尋稚子躊躇看不埽老天索寞坐
微吟窗前最是關情處拾片殷勤在掌心

夢梁
錄

英烈夫人廟

淮海豔姬毛惜惜蛾眉有此萬人英恨無七首學秦
女向使裹頭眞杲卿玉骨花顏城下土冰魂雪魄史
閒名古今無限腰金者歌舞筵中過一生

高郵州志云毛惜惜郵之官妓也端平二年
榮全據城叛召惜惜佐酒不屈罵賊死詔封
英烈夫人賜廟潘昉有詩

曹娥江

一川紅日漲晴波黃絹碑漫閉碧蘿不止但爭三十

里曹瞞元不識曹娥

娥江
題詠

陳容補

容字公儲自號所翁福唐人端平二年進士
倅臨江入爲國子監主簿出守莆田

圖繪寶鑑云所翁詩文豪壯善畫龍得變化
之意潑墨成雲巽水成霧醉餘大呼脫巾濡
墨信手塗抹然後以筆成之或一臂一首隱
約不可名狀曾不經意皆得神妙

題涪溪中興頌

銀旗金甲渡巴西靈武城樓已萬幾一札祇聞元帥
命五牋合待使臣歸未聞請表更追表且看黃衣換
紫衣天性非由人僞滅何緣尙父結張如

六等勝如誅獨柳二張縱活亦何顏太師死後猶書
法水部刑章托頌閒最憶海青投樂器絕憐甄濟隱

青山中興碑下姦臣懼天道何嘗不好還

隨隱漫錄

莊師熊補

師熊字次公號梅莊甯德人端平二年進士

官撫州樂安丞

金鰲橋

白鶴峯前放棹輕金鰲背上駕樓成舟移遠浦隨潮
落帷捲輕風看月生他日懷人如在峴今朝飲客且
登瀛幸陪讌笑闌干曲醉後不知杯幾行

甯德志

劉卞補

卞字清叔甯化人端平二年進士厯會昌尉

知瑞金縣築城建學以平洞寇功改京秩終
奉議郎

句

木園三寺影川合兩江波

輿地紀勝

鄭士懿

補

士懿字從之號定齋甯德人端平二年進士
累官始興教授通判婺州太學博士知武岡
軍著有定齋集

超覽亭

幾年江海客復此與筵賓地勝山川別天晴草樹新

高歌千佛駭一笑萬家春珍重梁間扁時時爲掃塵

甯德志

嚴嘉謀補

嘉謀福建人端平二年進士

贈鑒者川郭

川郭顛強甚平生挾術遊老猶攜侍女貧不諂公侯
用藥多投病酬錢或掉頭金陵官酒貴應典舊貂裘

截江網

朱復之補

復之字幾仲號湛廬建安人端平中充北使

展謁八陵

別湯伯紀

停雲思何長
伐木夢苦短
飄搖乘風來
倏忽搏沙散
匪今我獨黯
自昔客屢歎
之子曷云戾
微陽逼候炭
因山對線景
汲井共清盥
玉露泚金莖
水泉流藻翰
方忻桂芳襲
未覺枳栖遠
仰天鏡其圓
一弛弓向半
書堂渴吾伊
伫立了瑟僞
子如飛鴻漸
我如禁門鍵
天寒柳無枝
指直不得挽
歸來翫題墨
寂寂昧雙眼
夜飲羅懷叟
三杯屬余剛
制共讀孟郊詩

建子初寒月
篝燈對語時
獨醒蘇客酒
細詠孟生詩

蠹老無新卷鳥驚有夜枝白雲路不遠明日肯重來
太平寺塵外閒題

高樹青圓不見天小風微動竹稍偏衣涵空翠元無
雨庭闕餘聲獨有蟬老去此心無所住向來我見不
須先狂吟但過寒山子薦得騰騰一味禪

以上江
湖後集

楓

鳳山高兮上有楓青女染葉猩血紅莫辭老紅嫁西
風一夜憔悴成頽翁

全芳
備祖

句

忽聽夏禽三五弄新紅突過石榴枝

初紅藻老去羞

明鏡推讓朱榮上蓼梢

秋日後村詩話

方審權

審權字立之莆田人端平中布衣有聽蛙集

蘭陔詩話云立之高隱山中是不履城府以吟咏自樂與王邁劉克莊相酬和集已不傳

挽德潤

力挽端平疏追還元祐風祇今名未正自古直難容
去國身如葉憂時鬢易蓬轉輸煩計使鎮撫仗元戎
化寓文章內人游禮樂中五年懷赤子一念契蒼穹
寵僅優奎閣言猶簡帝聰頓忘前席召虛抱死疆衷
預決同師魯先知卽了翁至誠存素履定力見臨終

族仰哲人逝朝家善類空我爲天下哭非但哭吾宗

林興宗補

興宗字景復莆田人官曲江守

句

最是北來詩料少地寒難得見梅花 形容變盡頭

如雪不改當頭一寸心

梅磳詩話云宋嘉定寶紹間叛將李全駐兵淮東之山陽驕悍難制戍許國逐姚狝殺命士苟夢玉杜末士大夫視山陽不啻如蛇鄉虎落時莆人林興宗景復授法曹以往時論壯之安晚鄭公在瑣闥餞行有詩云淮海轅門立奇士要看左祖爲劉時蓋勉其盡節也景復到任後改淮安令辛卯春全破通泰犯揚州爲王師掩擊殪城下其妻楊姑姑懼朝

廷必討遂掃衆盡俘執南官北去景復羈囚
山東凡十年挺節無所汙安晚餞詩可無負
矣信菴趙公遣問物色損金資得之以反縣
國印與告身俱存趙公奏乞旌擢以勸盡節
者朝廷錄用官至曲汀守景復北地詩云云
江湖間多稱之

鄭玠

玠字君瑞莆田人嘉熙二年登進士第官漳

州判官

過城南梅庵追憶湖守宋使君叔晦

重過梅庵不記春花殘樹老綠陰成開元宰相腸應
斷楚國騷人魄尙清古屋參差疎影動水池深淺宿
枝橫主人祇在雲深處弄月吟風取次行

馮夢得補

夢得字初心南劍州人嘉熙二年進士任給事中敢死諫不避斧鉞累官禮部尙書卒贈

太師

憶鄉歌四首

儂是劍南人慣識故鄉好綠葉接紅花輝映綏安道
炎夏天頗熱儂門對溪住搖蕩採蓮舟深處疑風露
塞上秋始肅野草葉葉黃儂家有菊花灼灼不憂霜
塞北寒氣逼對火擁氍毹猶憶儂家裏蓬頭兩夾襦

南平
縣志

常

挺

補

挺字方叔號東軒連江人嘉熙二年進士官

至參知政事

賀東道

隆暑赫炎羲門弧廣左垂東君來出世西斗降臨時

二子麒麟種三孫鸞鵲兒稱觴門下士願祝壽期頤

截江網

繆

烈

補

烈福安人嘉熙戊戌進士

獅子巖

幽巖蕭颯商飈起一天灝氣涼如水金井梧飛蘭谷
芳長江浪冷蓴魚美雁字半側銀鈎歆雲光爭掃光
陸離桂花巖下香滿枝隨意催送到書帷碧潭煙歛
琉璃滑素娥乘鸞下天闕清暉深射水晶宮虛明澄
澈蛟龍窟上下天光一鏡浮冰輪碾破一天秋今來
古往事悠悠月自升沈水自流

福安縣志

翁

合

補

合字叔備號南山崇安人嘉熙進士咸淳中
知贛州兼江西提刑厯官中外有聲終侍講
有丹山集

贈冲祐觀江羽人

武夷奇絕處水碧更山丹觀闢南唐趾祠仍西漢壇
山禽酣午夢野菜健晨餐道士江冲一新詩有集刊

武夷
山志

閩詩錄丙集卷十一

七

閩詩錄丙集卷十四終

閩詩錄丙集卷十五

侯官鄭杰原輯

侯官陳衍補訂

陳武子

補

武子字日文長樂人淳祐元年特奏名

垂虹亭

行樂江亭上情彌天壤間舟譏王訪雪妓鄙謝登山
佳致輸公擅清歡愧爾慳賓僚陪宴笑興盡莫輕還

吳都文粹續集

吳勢卿

補

勢卿字安道號雨岩建安人淳祐元年進士
寶祐中知處州景定三年入爲浙西轉運使
贊成賈似道行公田

詠后山鎮水月奇觀閣

厭逐京華輦路塵歸來傑閣敞虛明斜陽兩岸暮山
紫明月一天秋水橫芳草盡頭黃犢樂蘆花深處白
鷗聲是中不仗詩摹寫一片丹青可得成

呈徐知院題意一堂

幾載辛勤有此堂芝峯直面麗譙旁千章山木朝煙
合百尺樓陰夜月涼物我本於仁上一居諸偏向靜

中長衰年燭武知何用空有憂時兩髩霜

謝

達

補

達字叔達邵武人淳祐元年知靜江府

淳祐甲辰三月中泝奉詔經略同客張景東馮
雲從男公闡公閫游乳洞紀事

尋幽天氣得晴酣小小籃輿勝繡鞍洞以乳名雲液
湧泉紆石出水晶寒山容染翠開油幕竹韻鳴竿立
玉竿孰謂地靈鍾秀異美哉風物見興安

廣西通志

盧

鉞

補

鉞字威仲永福人淳祐四年進士官太學博

士咸淳中以顯謨閣學士知隆興府官至侍

郎

吳興舟中

笠澤高風寒凜凜茗溪凝雪白皚皚扁舟我獨乘歸

興自是不因安道來

後村干
家詩

陳

合

補

合字維善長樂人淳祐四年進士官知樞密
院終資政殿學士諡文惠

題陳經國龜峯詞後

西晉風流自一家憶君魂夢到梅花梅花深處無人

迹明月一枝霜外科龜峯詞有所齋諸兄爲之跋安

懷舊一絕繫于後陳

合維善龜峯詞

陳鑒之補

鑒之字剛父初名璟閩縣人淳祐七年進士

有東齋小集

朱百家詩存小傳云嘉定時游京師與倪守齋善守齋官新安鑒之偕焉喜雨歌玉湖書院諸詩俱爲守齋而作也陳宗之懷寄詩有魚甘賓席緩風送客帆遲之句在新安故云東齋小集一卷古詩排纂中具停蓄之勢律詩亦深穩有致如探梅云彎彎竹迥霏霏雪小小溪橋澹澹雲王阮亭嘗評之謂此一聯能寫梅之神可與林道暗香疎影句並傳

再到京口

問訊金焦無恙否雙鼇依舊據寒流塔邊浪戰嵌巖
石木末雲扶縹緲樓楓葉蓼花新醉雨山容客鬢兩
添秋海天一鏡舟如豆忘卻塵縉季子裘

送鄭嚴州

父老迎使君舟櫂桐江波那知使君心一片煙雨蓼
杖藜對客星清風雙嵯峨沙鷗公故人應爲小婆娑
嚴山少平田嚴俗稀情民書生坐黃堂肯詫劘刃新
定以清淨化坐嘯物自春綠野人荷鋤使君聊岸巾

秋晚

瘦盡芙蓉菊又殘客游懷抱更登山秋光老矣歸何

處只在愁人雙鬢間

京口江閣和友人韻

良辰仍我輩斗酒大江邊小閣納萬里一帆來九天
世塵黃鵠外詩興白鷗前地勝吾衰矣長懷李謫仙
探梅

驢蹇飈寒獵帽裙吟肩山聳酒微醺彎彎竹徑霏霏
雪小小溪橋澹澹雲忽邂逅時真得侶向空濛處細
飄芬回天力量知誰似笑挽春來首策勦

同潘孔時飲忽宜園孔時出寶晉數帖呼道人
吹簫次日有詩予用韻答之

六橋秋新宜醉吟舉杯共聽巖鶴音危亭三面立老
竹寶晉數帖清人心涼蟬不敢喧夕曛洞簫聲繞山
腰雲搖搖歸艇水紋裂山紫天青河漢白想君獨立
對空濶一鷺毛寒藕花月

喜雨歌

良田正要雨肥綠火傘張空驅日轂枝頭忽作少女
風轉眼排檐萬銀竹爲新安民殊可憐插空亂巘無
多田雨纔終日水半壁方晴又望霓橫天是邦若要
宜稼穡婦似嬰兒調乳食祇今田甫渴甘澍賢侯憂
民見顏色鼓聲坎坎神來臨不歆牲酒歆侯心

土神
汪王

甚靈使君睡龍蘇醒聽約束拏攬雲霧層崖陰澗泉
禱之卽雨將涸兮亂流嘉穎欲槁兮光浮田翁戴笠兒跨牛欣
欣相對歌賢侯爭言一雨神所賜非侯何以蒙神休
天惠賢侯福吾土長是五日一風兮十日一雨

陪守齋至玉湖書院作

天垂大溪碧近樹齊遠山水氣涵野色縹緲亭數閒
憶昔文節公孤標凜羣奸飄然兩屐齒雲巖遍躋攀
此地足佳致差不遠市闕壽峰顧而喜壽峰文節次子築室
娛親顏吳興富臺榭往往攜歌鬟公獨抱書來小舟
破潺湲花澹水紋麗鳥啼人意閑讀易發妙蘊不惟

評馬班

公有易訓
馬班異辭

著述五百卷星芒照人寰天街幾

繡鞍蹀躞趨豹關何來砥柱立一老菰蒲灣守齋領

客游

守齋文節第四
子今右曹郎中

秋風韻枯管我誦壁間文徒倚

蘇石斑德人不可見月白漁舟還

過吳江

垂虹四年別森森來夢境今晨整芒履柳風吹髣髴

春光徹重淵蛟困綠波靜遠帆有無處小立爲徐領

浩歌翁自得白髮亂垂頸一室世誰知三萬六千頃

平生卜鄰意此際味差永翁肯平分歟吾其辦漁艇

以上東

齋小集

方蒙仲

蒙仲原名澄孫以字行號烏山莆田人淳祐
七年登進士第歷官知邵武軍入爲秘書丞
有綱錦集

信筆

筆床茶灶答蛩吟搖落秋風萬里心白髮蕭蕭酒初
醒一龕燈火四更深

熙春山

補

山占樵城最上頭眼前歷歷記曾游古來不少二千
石海內今誰第一流小隊未妨需隙暇大書已覺振

嚴幽於今幸際豐登日滿泛松觥賸句酬

邵武府志

袁立儒

補

立儒號溪翁建安人淳祐中提點兩浙刑獄

題駙馬都尉王晉卿所作夢游瀛山圖

珍木文禽玉佩環清都絳闕色琅玕香山居士蓬萊

院借與王郎夢裏看

清河書畫舫

陳應斗

補

應斗閩清人淳祐七年進士景定間潮州通

判

藥市

肘後應難一一傳多將靈藥種仙山仙禽搗就仙翁

賣挑杖懸壺走世間

羅浮山志

章孝參

補

孝參字魯士古田人淳祐七年進士官德慶

教授

題彌勒院

橋通流水綠溶溶殿閣穹然鎮象龍半壁石橋通雪

竇一龕麗室占雷峰挂巖屋似六和塔入路門如九

里松遙想空庭明月夜浮屠桂樹影重重

福州府志

陳必復

補

必復字无咎號葯房閩人淳祐十年進士

宋百家詩存小傳云嘉定時卜居封禺山中結屋數椽題曰葯房吟所有山居存稿俱五七言律詩自爲序云余愛晚唐諸子其詩清深閒雜如幽人野士冲澹自賞要皆自成一及讀少陵集然後知晚唐諸子之詩盡在是矣所謂詩之集大成者也今讀其詩格調工穩饒有清蒼之色咄咄逼人要是規仿老杜而能得其一體者

領客游聞人氏省庵園

半夜雨方住一春晴不常倚欄聽鳥語開戶納花香
庭暮竹陰淨池風水氣涼幾番吟未穩步月細平章
游前谿西庵

爲愛僧居雅時來扣野扉沼清魚可數軒靜客忘歸

修竹負牆立幽禽背水飛道人差不俗洗耳聽絃徽
贈張駒自號牧隱

乍見語相合苦吟心更親老於琴得趣隱與牧爲鄰
一夜檐花雨十年江樹春所交半湖海恨晚識斯人
東野故居

先生高隱處遺迹尙堪尋出郭祇疑近入村還覺深
秋光澹平野暝色帶遙岑幾度祠邊過詩成不敢吟
和客用前韻

麥春翻蝶夢花露涇蜂窠水潤浪痕貼雨晴雲氣高
酒功書下下詩料辦多多擬喚三高起豪吟些楚騷

山居

接砌斜通經緣籬矮結牆地卑蝸篆屋山暖蜜分房
過雨林亭靜落花春晝長幽居差省事猶有課詩忙
以上山
居存稿

林尙仁補

尙仁字潤叟長樂人有端隱吟稿

陳必復序云林君詩專以姚合賈島爲法而
精安深潤則過之
宋百家詩存小傳云家貧刻苦攻詩每有所
作微不合意輒裂去卜居半村半郭閒手自
種竹題曰竹所吟嘯其中自號端隱以示終
於遜迹之意吟稿一卷酒旆辛亥陳必復爲
序又贈詩云谿邊著吟屋亦足老生涯洗硯
渾池水敲碁落案花客來多載酒童去自煎

茶愛爾丰標異逢人滿口誇其高雅之致可
在林逋魏野閒別置一席

和陳葯房納涼

貧涼分石坐野服岸巾紗竹暗鳴風葉溪喧聚水花
深村人語靜高樹鳥飛斜不飲論文酒敲碁煮夜茶
北山林僉葯房陳必復偕張牧隱暮春晦日載
酒相過席上以手揮素絃爲韻得絃字

春詩敲未穩一醉傍琴眠吟客相過日飛花欲盡天
竹陰池水暗樹色島雲連幽鳥可人意數聲清似絃
山居

帝城花錦地護與市人居萬事不到耳一貧唯讀書

掃牀留月宿種藥帶雲鉏未晚多先醉爲官恐不如
種竹方成友人以詩至用其韻

屋老苔荒席久虛近分一榻與雲俱梅花未種遭蜂
怨竹所雖清欠鶴呼無事看山如對客有時隱几亦
忘吾過門除卻能吟者不是高僧卽老儒

以上端
隱今稿

張

鎮補

鎮字重甫三山人瀋祐壬子進士宗學博士
秘書丞擢考功郎中知興化軍

遊鼓山

龍翎岡裏著禪關頂有奇峰磴可攀上下乾坤大千

界東西陸海兩三山臨滄霧向風前解喝水泉因雨

後潺一宿迷歸山莫晒小窗經日對孱顏

福建通志

劉燧叔

補

燧叔字用齋莆田人文肅公榘子淳祐中知

連州官至朝奉大夫

淳祐壬寅中秋後攜家重游大雲洞因紀于石

試攜杖履作山行一夜秋風桂子生犀曳千章稠黛

綠鵝兼萬點簇雲英長哦賓客珠璣句敬仰濂溪日

月名我亦黃塵吹鬢者頻來心迹覺雙清

廣東通志

危昭德

補

昭德字子恭邵武軍人寶祐元年進士歷官起居舍人殿中侍御史權工部侍郎有春山集

春晚

晴天楊柳絲千緒淡月梨花玉一庭又是東風去時

節數聲啼鳥不堪聽

後村千家詩

黃巖孫

補

巖孫字景傳泉州人寶祐二年迪功郎仙游尉纂仙谿志秩滿改朝陽教授

鳴峰巖

卓道當年愛此峰直於頂上駐禪筇巖深疑有仙人
宅地僻全無俗客蹤罅石引泉圍古屋斷煙拖露滴
寒松夜來冷枕蒲團睡夢破一聲殘月鐘

仙游縣志

鄭會龍

補

會龍連江人寶祐四年進士

蔣詩翁故居

詩翁仙去舊壇荒雲滿空山花自香老盡游人春不

問杜鵑聲裏幾斜陽

廣西通志

王洵

補

洵號仙麓閩人曾爲浙帥參

寶祐丙辰余奉漕檄經從得識九鎖山面目咸
淳乙丑歲除前五日以帥檄遵奉朝旨四縣
疎決回塗重游時積雪初霽瓊瑤境界恍非
人世得七言一章錄呈菊巖龔先生

九瑣山寒玉作圍紅塵世事可曾知峰迴似覺前無
路身到因思舊有詩雲掩巖扉龍蟄冷月明華表鶴
歸遲梅花笑我真迂濶踏雪重游臘盡時

洞霄詩集

吳明老

補

明老建陽人

小園解后錄云明老剛介有志操詩文雖不
純意趣亦殊可采

偶成

西風颯颯動長林斗酒沽來伴月斟慷慨未應憂短
褐悲歌元不爲秋砧誰云塞馬年年健自是君門浩
浩深世祖丰神似高帝楚囚珍重莫霑襟

詩人玉屑

黃今是

今是字時之號終晦莆田人景定中徵授開
封教授咸淳初召爲直講官除知制誥太子
正字致仕

蘭陔詩話云終晦見時事日非退築招隱亭
自稱漁父文文山過莆訪之贈詩云釣魚船
上聽吹笛煨芋爐頭看下棋腹有晚愁歸別
浦已無春夢到端闌去年尙憶桃紅處好景

重逢橘綠時珍重山人招隱意猿啼鶴嘯白
雲飛及宋亡盡焚其生平著作鬱鬱而卒惟
漁父詞數首爲人所傳誦得存

漁父詞二首

青煙何處淡孤洲有客經年業一鉤芳草渡頭新貰
酒碧雲天際已歸舟

蓑衣箬笠更無華蓼岸蘋洲亦有家風雨滿天愁不
動隔江猶唱後庭花

陳

羽補

羽沙縣人景定三年特奏名

宿淮陰縣作

秋燈點點淮陰市楚客連檣宿淮水夜深風起魚鼈

腥韓信祠堂月明裏

方輿勝覽

真山民

山民浦城人西山孫景定間隱士有山民集

曹能始云張伯子服公之才節謂宋末復一

淵明也

案宋詩鈔小傳云真山民不傳名字自呼山

民云李生喬歎以爲不愧迺祖文忠西山以

是知其姓真矣

閩中錄云山民所至多題咏皆探幽賞勝之

作未嘗有江湖酬應語厲太鴻宋詩紀事引

或云名桂芳括蒼人宋末進士非也

幽居雜興

松桂小菟裘山扉幽更幽蜂王衙早晚燕子社春秋

鬢禿難遮老心寬不貯愁年來把鋤手無復揖公侯

光霽閣晚望

一閣納萬象危欄俯渺茫白沙難認月黃葉易爲霜
宿鳥投煙巖歸樵趁野航孤吟誰是伴漁笛起滄浪

興福寺

爲厭市喧雜攜詩來此吟鳥聲山路靜花影寺門深
樓閣莊嚴界池塘清淨心松風亦好事送客出前林

曉行山間

出門誰是伴只約瘦藤行一二里山徑兩三聲曉鶯
亂峯相出沒初日乍陰晴僧舍在何許隔林鐘磬清

春感

春光元自好我卻爲春愁
但見柳青眼不如人白頭
一身浮似寄百歲去如流
賴有芳樽在花前日醉游
春曉園中

綠陰留我立清曉小闌東
林外一鳩雨柳邊雙燕風
吟懷愁渺渺春事去匆匆
莫恨芳菲盡葵榴花又紅
宋道士同游白雲關

扶攜方外友來入白雲關
八九峯如畫兩三人倚欄
棋聲敲竹外簾影落花間
一曲瑤琴罷翠陰生晝寒
泊舟嚴灘

東坡全集卷之五
二
天色微茫入暝鐘嚴陵灘上繫孤篷水禽與我共明
月蘆葉同誰吟晚風隔浦人家漁火外滿江愁思笛
聲中雲開休望飛鴻影身卽天涯一斷鴻

春曉山行

風掃連陰作快晴瘦筇伴我出山扃路從初日雲邊
過人在野花香裏行古水殊無趨世態幽禽懶作弄
春聲棕鞋踏遍山南北只與白雲相送迎

幽興

不賦千鍾賦一簞天公有意養痴頑書猶能看未會
老詩亦莫吟方是閑寬著庭除貪貯月少栽竹樹要

觀山空階兩日無行迹又上苔花幾點斑

年少游春

錦袍朱帶玉花驄著意追歡紫陌東只道春風屬楊柳不知楊柳有秋風

三月晦日

九十風光能有幾東風遽作遠行人尊前莫惜今朝醉明日鶯聲不是春

九日

懶把黃花插滿頭正緣老大見花羞年來頗恨儒冠誤好倩西風吹去休

醉餘再賦

堪嘆詩翁酒興豪
醉餘猶復一登高
西風抵死相搖撼
爭奈儒冠裹得牢

山間早春

小桃枝上認年華
隨分紅開一兩花
將謂東風只城市
也吹春色到山家

案以上
山民集

翁

詠

補

詠字永叔號思齋建陽人受業於蔡節齋景
定中上元縣尉兼明道書院山長

乙未秋登城北樓

腳底江南第一州臺城北上小淹留難忘故國千年
恨不盡長江萬古流目斷中原誰擊楫秋來多雨獨
登樓舉頭忽見長安日一醉能消太白愁

陪周溪園登賞心亭

建業城樓四面窗賞心勝處冠南邦石頭西峙雲藏
寺水面南浮月滿江故國秋深人自老新河夜遁虜
誰降高人登眺同懷古忽有飛來白鷺雙

景定建康志

徐幾補

幾字子與號進齋崇安人嘗與詹琦築靜可
書堂於武夷景定間薦以布衣召對詔補迪

功郎遷建甯府教授兼興建安書院撰經義
以訓多士稱曰進齋先生度宗卽位授崇正
殿說書

靈巖一線天

石上煙消綠蘚斑幾人車馬此盤桓誰知一線通天

處照見人心萬古寒

武夷山志

詹復補

復字仁仲崇安人景定間登第知金華縣因
母憚遠涉遂致仕

小桃源

遠尋瑤草到仙家，衝破雲間一片霞。
道士不知興廢事，又來溪上種桃花。

武夷山志

李 賈補

賈字友山，號月洲，光澤人。與嚴滄浪戴復古

唱和。

題式之詩卷後

矯首天地間，淒其望終古。前輩久零落，斯文日榛莽。
戴君天台秀，忽向南方來。老氣橫九州，習次何崔嵬。
藻口晚更奇，崩騰豁高趣。疑是赤城霞，飄飄墮章句。
白首一孤劍，誰人薦子虛。有時杯酒間，高論傾淮湖。

既有四海名何慚萬鍾樂君看榮與賤千載俱溟漠

石屏詩
集附錄

楊梓
補

梓長溪人迪功郎悅堂先生楫之父見後村

集

句

擊甌樓在碧江隈樓下江聲寂寞迴

輿地紀勝

劉翼
補

翼字躋父福唐人有心游摘稿

林處齋序云躋父與予同事樂軒先生鄙夷場屋之技獨力于詩晚而傲世自樂盡去繩

墨法度自爲樂軒一家之言如娑羅林中最
後說法六師諸魔聞者益懼矣

伯言見和拙作以漢隸書之謝以七韻

李潮善八分求歌杜陵叟有人和我詩半紙餘科斗
風雲生其懷劒戟出其手石經中郎蔡新樣元和柳
元常文不傳退之書何有待我農隙時載筆隨君後
袖手眼亦明聊與之飲酒

山寺聽雨

問道論詩也一宗燒柴煨芋佛家風要知真樂人間

少聽雨空山破寺中

以上心
游摘稿

方景綯

補

景絢字武子莆陽人擢第終于郡掾

題壁

明月照齊州玉龍棲欲起壯士腸夜迴寒衾潑秋水

劉後村
題跋

張仲節補

仲節建安人有玉澗稿

句

蝴蝶似知春夢熟穿花飛度畫屏東

閩思後
村題跋

鄭震補

震更名起字叔起號菊山連江人所南翁其

子也有倦游稿清雋集

餘杭道上

五年茲路上頻往又頻還歲月孤松老風霜苦竹斑
溪流天目水雲出洞霄山馬上因閑眺蜉蝣宇宙間
歸去

歸去豈不好平田帶淺林春猿鳴雪澗晴日轉雲岑
世久無鳴犢時當學展禽吾生今老矣梁甫豈能吟

林桂龍

補

桂龍三山人

丁大全謫嶺外溺死

一棹中流欠把持偏輕偏重失便宜孤舟不是無人
渡身作風波問阿誰

移溪實壑誤明君驚動沿江十萬軍幸事不沈湘水
死有何面目見靈均

稚子如何濟急流一篇才錯便難收當初把作尋常
看豈料中流解覆舟

浩然齋雅談云丁大全丞相謫嶺外至藤州
溺死三山林桂龍以詩嘲之云云

陳以莊補

以莊字敬叟號月溪建安人

劉後村跋云敬叟才氣清拔力量宏放穀城
黃子厚之甥也故其詩酷似云

春興

輕衫短帽久塵埃零落香篝媿麝煤春半工夫花繡
了社邊消息燕銜來豈無綠野供千騎幸有黃封可
一杯明日清明能出否憑誰先爲掃莓苔

詩林
萬選

黃玗補

玗閩人

和劉後村梅花絕句

豐鐘初散曉雲遮我欲伸冤玉帝家青女一身都是
膽年年隨下月偷花

一雙白鶴騎焉往十萬青蚨散卽休吟透何郎早春

句輸他占射得揚州

句

眞色果無描寫法漢人枉自殺毛公

以上大全集

魏慶之補

慶之字醕父號菊莊建安人與玉林黃昇友

善有詩人玉屑

過玉林

一步離家是出塵幾重山色幾重雲沙溪清淺橋邊

路折得梅花又見君

梅磴詩話

余謙一

謙一字子同莆田人咸淳元年登進士第官

國子博士知化州有文安家集

挽陳郡倅用虎妻朱安人

忠肅弟婦

閩郡無男子夫人可奈何平生羞蔡琰一死伴嫦娥
門盍來旌別鄰應輟杵歌潘郎家國恨怪得鬢絲多

城山國清塘

湖光山色酒杯中此會那知一笑同風暖空巖落松
子雨晴新漲沒鳬翁隔林村落微茫見一徑禪房曲
折通老艾當年題品處斜陽無語想高風

莆田縣志

黃公紹

補

公紹字直翁邵武人咸淳元年進士隱居樵

溪有在軒集

競渡櫓歌

望湖天望湖天綠楊深處鼓鼙鼙好是年年三二月
湖邊日月看划船

鬪輕橈鬪輕橈雪中花卷櫓聲搖天與玻璃三萬頃
儘教看得幾吳舠

櫓如飛櫓如飛水中萬鼓起潛螭最是玉蓮堂上好
躍來奪錦看吳兒

建雲旂建雲旂土風到處總相猶朝了霍山朝岳帝

十分打扮是杭州

踢青青踢青青西泠橋畔草連汀撲得龍船見一對

畫欄倚徧看游人

在軒集

夢梁錄云二月初八日錢塘門外霍山路有神日祠山眞君誕聖之辰其日龍舟六隻戲于湖中其舟俱裝十太尉七聖二郎神神鬼快行錦體浪子黃胖雜以鮮色旗傘花藍鬧竿鼓吹之類其餘皆簪大花捲腳帽子紅綠戲衫執棹行舟帥守出城往一清堂彈壓令立標竿于湖中挂錦綵銀碗官楮有一小節級披黃衫項青巾戴大花插孔雀尾乘小舟抵湖堂橫節杖聲喏取指揮以舟回朝諸龍舟小綵旗招之俱鳴鑼擊鼓分兩勢划棹旋轉遠列成行再以旗招之龍舟並進者二又以旗招之其龍舟遠列成行而先進者得捷取標賞聲喏而退餘者以錢酒支犒也

阮秀寶

補

秀寶號梅峰興化軍人早見知于趙昌甫僑居吳門游賈秋壑之門最久號阮怪咸淳初攝蕪湖茶局

景靈宮恭謝駕回丞相以下皆簪花

宮花密映帽簷新誤蜨疑蜂逐去塵自是近臣偏得賜繡鞍扶上不勝春

隨隱漫錄

洪德章

德章字巖虎號吾圃莆田人咸淳三年貢進士授興化教授有軒渠集

蘭陔詩話云吾圖與子汝質並能詩俱司教
本郡汝質有名阿琦詩云我之先君子琦也
爲大父丁卯鄉貢郎名字登天府又傅氏館
中觀咸淳丁卯榜帖詩云韓歐榜帖家聲舊
孔孟詩書教思新而郡志不載其父子名足
見缺略者多矣

希文枕邊談詩謂律詩易工夢中與之辯詩以
折其非既覺忘數字因足成之

七步成詩語近諧壇荒李杜乏奇才僧敲未敢一言
定烏過曾安幾字來

陳文龍

文龍字志忠一字君賁興化軍人咸淳四年
廷對第一累遷參知政事乞歸養益王立于

福州復拜參知政事充閩廣宣撫使卽興化
軍開閩元兵攻城通判曹澄孫降俘至杭餓
死訃聞行朝諡忠肅

案三柳軒雜識云德祐末歸守本州北兵入
閩不屈生縛之至杭病卒于杭之貓兒橋巷
初文龍入太學累試不利太學守土之神岳
侯也一夕夢神請交代意必老死于太學常
悵悵不樂旣而赴廷對第一仕官日顯前夢
不復記矣及守鄉州又夢神通書閱書前面
日交代後書年月至元心甚愕之未幾國亡
城陷家殘身俘至杭幽于太學之側
蘭陵詩話云公被俘北去卽不飲食拘于太
學其夕卒葬知果寺旁墓卽生竹竹皆有刺
人謂公爲武穆後身岳墓樹不北枝公墓竹
盡生刺如出一節今游西湖者必謁岳墓而
公墓鮮有知者黃忠裕岳墳詩云猶有孤臣
埋骨地淡煙荒草沒荒村爲公發也

元兵俘至合沙詩寄仲子

斗壘孤危勢不支
書生守志定難移
自經溝瀆非吾事
臣死封疆是此時
須信纍囚堪斃鼓
未聞烈士樹降旗
一門百指淪胥盡
唯有丹衷天地知

興化府志

方公權

公權字道立
蒙仲子莆田人
咸淳四年登進士第
官太常典籍有石岩存稿

城山拜林艾軒

履齋早歲及朱門
未後通家得艾軒
德義遠從王父父
典刊愧忝外孫孫
世無前輩吾安仰
師有傳人道

始尊欲問先生游歷處庭前老樹或能言

柯應東

應東字德明莆田人咸淳四年登進士第官

羅源令有壺山集

蘭陔詩話云德明幼聰慧七歲隨其舅游龍
紀寺聞木魚聲舅命賦詩卽口占云不作棟
梁用偏尋山寺居但聞聲似鼓誰識木爲魚

壺山

方壺久伏海中洲湧出高山不計秋峯上今猶蟻帶
石穴邊時有蟬尋湫雲飛巖岫來龍聚風送潮聲入
虎邱景物無窮供眼界一鉤新月促歸舟

范師孔補

師孔字學大崇安人咸淳丁卯恩薦充講書
有畫餅稿

高樓

高樓高登天美人美如玉美人作高樓更彈天上曲
飛聲落人間誰不注耳目安知妾此心長恐晝夜促
莫羨高樓高莫羨美女美樓頭瞻明月樓下看流水
月明圓易缺水流去如駛獨愛山中蘭幽香抱枝死

武夷山

幾與溪山絕世緣重來猿鳥只依然懸崖野瀑飄成

雪近午嵐霏暗盡天水尙未疏須識禹山如深入定
逢仙洞中石鼎烹雲處此夜還來借榻眠

以上四
朝詩

鄭德普

補

德普字汝施閩人

句

山蒸雲氣晴能雨泉挾風聲夏亦寒

靈巖

石潤黏蒼蘚

澗高流白雲

齊雲峰

雁斷風仍急鳥啼天正陰

南樓

全閩詩話云德普幼穎敏淹洽刻意爲詩與
趙若嶽范師孔游有詩云云

李

瓘

補

瓘興化軍人咸淳戊辰進士

挂冠詩

人言學古思入官我謂學易而官難平生透出夢覺
關本來面目只儒酸吾親不俟若爲懽不如歸去卧
林間殿前三策罄忠肝多謝皇恩天地寬戲衫卸了
白衣還扁舟飛過子陵灘前修亦有逋與搏聖世許
之俱寬閑何物种放太厚顏山鬼移文伐其姦此行
無復出閩山休音息影谷之盤今朝釃酒酌雲壇便
向錢塘門挂冠

古杭雜記云度宗戊辰龍飛狀元興化陳文
龍同郡李瓊太學貫道齋上舍係第三甲正
奏名于唱名之後乞以本身官致仕恩例盡
以回贈父母上書畢辭先聖及三魁同舍出

錢塘門脫綠袍挂于門之上泛舟而去時三魁同舍皆送別確有詩云云

董師謙補

師謙號南江三山人咸淳辛未別院省試魁仕爲平江府教官

錢塘懷古

厯厯庚申事分明在眼前講和如有弊飛渡定無船
北使三千里眞州十四年釀成亡國恨一部福華編
玉牀搖帝座青蓋出都城巷哭千家淚燕歌四面聲
乾坤遽如許風雪可憐生清曉宮門外猶聽打六更
衣帶一條水靴尖三百州市朝陳迹在圖籍別人收

南渡衣冠盡西湖歌舞休久知事當爾曾記五更頭
行人指新寺云此舊宮城坐殿幾朝帝開山何處僧
日邊行塔影天外送鐘聲王氣元無了何消鑿秣陵

翰墨
大全

倪文一補

文一字元芳福安人咸淳間進士安仁尉峒
蠻竊發文一單騎撫之匪清流縣元兵南下
世祖徵之不起隱居以壽終

句

編籬已種淵明菊鑿沼還栽茂叔蓮

隱居
甯府志 福

全閩詩話云文一咸淳間由進士知清流縣
元兵南下遂隱居山林世祖徵之不起嘗作
詩云云

林霆龍補

霆龍一作雷龍字伯雨仙游人宋咸淳鄉薦
官興化通判著有春山集

送徐殿院回鄉

三十年來人委靡如今勁節似秋橫三條鯁亮爲時
重一葉翩翹去國輕莘老不還司諫職廖公應顯出
臺名遐衝尙賴精神折未許林泉得隱聲截江網

黃仲元

仲元字善甫號四如莆田人咸淳七年登進士第除國子監簿不赴宋亡改名淵字天叟號韵鄉老人

蘭陔詩話云公理學名儒著述甚富詩非所好聞有題咏亦古奧奇警

張天師正殿詩

至人學道師赤松神姿逸氣心芙蓉手五明扇腰雌
雄憑空架鐵超鴻濛玉距痕深雕鏤工巨迹千古鎮
蜚峰狂飈怒濤鑠魚龍夜醒月涼水笙鏞騎吏無鞍
鸞鶴從朝侍玉堂朶雲紅天樂隱隱聲徹空谷耳可
聞不可逢渺視齊州等蟻蠊滄海有時揚塵風獨此

瓊館留人封神仙之說非夢夢士民尸祝社稷同椒
醕鞠脍瓜棗供余非紫陽山人翁若爲詩之銘新宮

鄭鉞

鉞字彛白莆田人咸淳十年特奏名有雲我
集

哭陳丞相次被執原韻

大厦將傾一木支登陴慟哭志難移螳螂怒臂當車
日精衛銜沙塞海時夢裏忽驚元主朔軍中猶卓宋
家旗孤臣萬死原無恨獨怪山翁總不知

蘭陔詩話云公嘗參陳丞相文龍幕記丞相
遺事詞甚憤激陳丞相募兵興化日製生爲

宋臣死爲宋鬼二旗又夢岳武穆貽書後署
至正年月公此詩蓋紀其事結句殆刺蒲壽
庚耶

熊

禾

一作鉢
補

禾字位辛號勿軒又曰退齋建陽人咸淳十
年登第授甯武州司戶參軍入元隱居不仕

贈筆生

東坡詠鼠鬚山谷歌猩猩微物豈足道斯文頗關情
片言鉄鉞凜一字華袞榮化工運方寸亦自苦中生
寄與管城子所託甚非輕

熊勿軒集原評云有鉄鉞華袞之任自不得
不託管城子發揮予奪

贈琢硯

我聞銅雀瓦只覆嬌屋姝又聞端溪石亦近貪泉夫
胡爲得貴重置我几案隅尙恐習氣膩解使簡冊汚
我有一寸鐵秉心與之俱永矢磨不磷干載明區區
彼哉瓦與石飄擲付太虛

熊勿軒集原評云先生自矢不磷不與瓦石
同碎居然節義

趙若櫟

補

若櫟字自木號霽山崇安人魏王十世孫咸

淳十年進士

武夷茶

石乳霑餘潤雲根石髓流玉甌浮動處神入洞天游
高元濬
茶乘

卽事

雲散春山出人閑白晝長禽聲答空谷樹影畫斜陽
種果期秋實澆花趁晚涼行藏天已定隨分且徜徉
遇樵川林時中

建水樵川隔幾重相逢孰意大江東客行芳草垂楊
外春在柔桑小麥中細雨疏田流水碧殘霞擁樹遠
林紅浮生聚散渾無定有酒何妨一笑同

暮春

香透蜂房蜨夢殘一簾新雨又春闌柳腰瘦得難禁
舞今夜東風莫更寒

以上崇安縣志

劉應李

補

應李字希泌號省軒建陽人初名榮登宋咸
淳十年進士調建陽主簿入元不仕退與熊
退齋胡雙湖講學於洪源山中者十有二年
所造益深後建化龍書院于莒潭聚徒講授
學者雲集所編事文類聚翰墨全書十集行
世

上陳縣尹二首

舊尹龔熊負令名至今天日共清明案頭未有人稱
屈村裏全無吏敢行滿院茶香敲句穩一簾花影韻
琴清後之學者誰其似又說陳公政有聲

溫公宅子富公池并入堯夫戶不知百畝但添官裏
賦一編惟說橐中詩自憐老去無能役正恐兒成不
了癡有口尙能誇尹在莫教白髮困行移

元詩
癸集

閩詩錄丙集卷十五終